



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 35. Manichæi Viterbii.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

saltem inducias extorserunt, uno anno ^{Sæcul. XIII.}
duraturas. Tandem, postquam præcipua ^{A. C. 1207.}
pacis futuræ capita literis mandassent,
cum utriusque Regis Legatis Romam re- ^{ep. 143.}
dierunt.

Philippo Rege ab excommunicatio-
nis vinculis absoluto, Papa ad eum lite-
ras misit, amicitiam & obsequium pro-
fitendi causa, prima die Novembris an-
no millesimo ducentesimo septimo datas.
Epistola etiam data, Legatis suis præ-
cepit; ne Archiepiscopos depositos Leo. ^{ep. 144. 145.}
poldum Moguntinum & Adolphum Co-
loniensem ab excommunicatione absol-
verent, nisi adjuncta conditione, ut in-
tra mensem Romam peterent. Et per
literas deinde apud Legatos conquestus
est, quod Leopoldus Senis, non Episcopi
sed militis in bello officio functus, com-
moratus esset.

§. XXXV.

Manichæi Viterbii.

Post Ascensionis Domini Festum, quod
anno millesimo ducentesimo septi-
mo in ultimam diem Maji inciderat, In-
nocentius Papa Roma excedens, Viter- ^{Gest. n. 123.}
bium petiit, ubi populo magnam læti-
tiam proficiente exceptus est. Ut in
hanc urbem pervenit, nihil antiquius
habuit, quam ad expellendos Patarenos,
seu Manichæos, illius ætatis pestem, ani-
Hist. Eccles. Tom. XIX. K mum

Sæcul. XIII.
A.C. 1207.

lib. 8. ep. 83.
ap. Rain.
1205. n. 66.

mum adjicere; ne Romanæ Ecclesiæ exprobrari posset, eam in conspectu, ac in suo Patrimonio, tolerare Hæreticos, quos ab aliis arceri præciperet. Ante annos jam duos Innocentius Papa, datis ad cives Viterbienses literis, acriter reprehenderat, quod Consules suos ex ordine illorum creassent, quos Patareni *Credentes* appellabant, & ærario suo præfecissent quemdam Hæreticorum illorum Ducem, pridem excommunicatum. Cum ergo Papa Viterbium venisset, Patarenis omnibus aufugientibus, Episcopo Clericisque illius urbis convocatis, cunctos Hæreticorum Receptores, Factores, Defensores & *Credentes* diligentissime perquiri, eorumque nomina conscribi curavit, atque, supremi Prætoris & Consulium opera usus, eosdem ad promittendum, addito jurejurando, chirographo, & pignoribus, compulit, quod sibi in cunctis parere vellent. *Ædes*, in quas Patareni recepti fuerant, funditus evertit.

Tum Papa Episcopis, Abbatibus, Comitibus, Baronibus, Prætoribus, & Consulibus urbium Tusciæ, Ducatus Spoletani, Marchiæ Anconitanæ, ceterarumque Ecclesiæ Romanæ Ditionum accessit, in illo Conventu vigesima quarta Septembris Constitutionem promulgavit, ad omnes subditos suos directam, cujus

cujus summa hæc est: *Quicumque Hæreticus, imprimis Patavenus, in Patrimonia S. Petri deprehensus fuerit, illico capiatur, & Curia seculari tradatur, secundum Leges plectendus. Omnia ejus bona ærario publico addicantur. Aedes, in quas receptus fuerit, diruantur, nec quisquam eas restaurare præsumat. Eorum Credentes & Fautores quarta bonorum suorum parte mulctentur; si relabantur, ex illa Regione ejiciantur, nec eis sine Papæ Indulgentia redire liceat. Si in Judicio agere voluerint, non audiantur, eorum Oblationes non recipiantur, nec eis Sacramenta præbeantur, nec Sepultura Ecclesiastica concedatur. Nullius muneris in Republica gerendi capaces sint. Hæc Constitutio statutis peculiaribus urbium inseratur, eamque Magistratus singulis annis servaturos se esse jurent (*)*.

§. XXXVI.

Martyrium Petri de Castro novo.

Eadem Hæresis in Occitania semper
K 2 vige. *Hisp. Abig. c. 3.*

(*) Ex his Lector arguet, Summum Pontificem in hac Constitutione non solum ut Episcopum, sed etiam ut Principem secularem, in Territorio Ecclesiæ Romanæ de Hæreticis statuere, atque illa ætate Principatum terrenum Romanorum Pontificum fuisse satis stabilitum.